

徐州府志卷之二十九

大事記

彭城為自古要地楚漢以來戰爭之事多矣稽諸
往史其小者可畧其大者不可不記也舊志目曰
兵變名不善而義不該今詳考通鑑諸書增入下

邳州縣更之曰大事記

周穆王末年徐子叛自稱偃王淮北諸侯朝之者三十
六國穆王命楚討之偃王軍敗走彭城武原山下死

襄王二十二年秋介人侵蕭魯僖公三十年

定王十年楚子伐蕭宋華椒以蔡人救蕭蕭人囚熊相

徐州府志

卷二十九

大事記

一

宜僚及公子丙王曰勿殺吾退蕭人殺之王怒遂圍蕭

蕭潰魯宣公十二年

簡王十三年楚與鄭伐宋取彭城封魚石魯成公十八年

十四年諸侯圍宋彭城討魚石彭城降晉魯襄公元年

靈王九年秋七月楚子囊鄭子耳侵魯西鄙還圍蕭人

月丙寅克之魯襄公十年

敬王二十一年春宋公之弟辰及仲佗石彊公子地自

入於蕭以叛魯定公十年

王二十九年齊楚魏攻宋康王走死於温三國

陳涉等起 至 王諸

以沛應之 王史蕭何曹參乃

季 季之衆已數十百人矣沛令恐其有變乃

欲誅蕭曹蕭曹恐 保劉季乃書帛射

父老爲陳利害父老 率子弟共殺沛令開門迎劉

季立爲沛公蕭曹 收沛子弟得三千人攻胡陵方

與還守豐

二年秦泗川監平將兵圍豐二日沛公出與戰破之

雍齒守豐引兵之薛泗川守壯敗於薛走至戚沛公左

司馬得殺之沛公還軍亢父至方與陳王使魏人周市

徐州府志

卷二十九

大事記

二

地周市使人招雍齒齒卽反爲魏守豐沛公引兵攻
豐不能取還沛聞東陽甯君秦嘉立景駒爲假王在畱
乃往從之欲請兵以攻豐是時秦別將司馬尼將兵北
定楚 屠相至碭沛公引兵西與戰蕭西不利還收兵
畱二月引兵攻碭三日拔之收碭兵得五六千人攻
下邑拔之還攻豐不下聞項梁在薛往見之益沛公卒
五千人五大夫將十人還攻豐拔之雍齒奔魏 項梁
衆凡六七萬人 秦嘉已立景駒爲楚王軍彭城
東欲距項梁項梁乃進兵擊秦嘉秦嘉軍敗走追之至
嘉還戰一日死景駒走死梁地項梁軍胡陵章邯

軍至栗梁使別將朱雞石餘樊君與戰餘樊君死朱雞石軍敗亡走胡陵項梁聞陳王定死召諸將會薛計事沛公亦自沛往焉梁從范增言求楚懷王孫心立以爲楚懷王三年秦將章邯擊楚軍大破之定陶項梁死懷王自盱眙都彭城呂臣軍彭城東項羽軍彭城西沛公軍碭後九月懷王并呂臣項羽軍自將之以沛公爲碭郡長封武安侯將碭郡兵及項羽救趙沛公乃西畧地入關

漢二年春漢王部五諸侯兵凡五十六萬人東伐楚是時項王方畱擊齊以故漢王遂入彭城收其寶貨美人

徐州府志

卷二十九

大事記

三

曰置酒高會項王聞之令諸將擊齊而自以精兵三萬人南從魯出胡陵至蕭晨擊漢軍而東至彭城日中大破漢軍漢軍皆走相隨入穀泗水殺漢卒十餘萬人漢卒皆南走山楚又追擊至靈璧東睢水上漢軍却爲楚所擠卒十餘萬人皆入睢水水爲之不流圍漢王三匝會大風從西北起折木發屋揚沙石窈冥晝晦逢迎楚軍楚軍大亂壞散而漢王乃得與數十騎遁去欲過沛收家室而楚亦使人之沛取漢王家皆亡不與漢王相見是時呂后兄周呂侯爲漢將兵居下邑漢王間行從之稍稍收其士卒至滎陽復振

十一年淮南王英布反渡淮擊楚敗楚兵徐僮間元王奔薛楚丞相冷耳堅守彭城城賴以全

景帝三年楚王戊與吳王濞及趙膠西濟南菑川膠東七國反發兵西圍梁上遣太尉周亞夫將兵擊破之吳王濞亡走楚王戊自殺吳王之初發也下邳人周邱說王曰願請王一漢節必有以報王王乃予之邱得節馳入下邳下邳時聞吳反皆城守邱至傳舍召令人戶斬之遂召昆弟豪吏告曰吳兵且至屠下邳不過食頃今先下家室必完能者封侯矣衆從之下邳皆下邱一夜得三萬人使人報吳王遂將其兵北畧城邑比至陽城

徐州府志

卷二十九

大事記

四

兵十餘萬聞吳王敗走引兵歸下邳未至疽發背死王莽末青徐大饑樊崇等聚衆爲寇號赤眉掠楚沛汝南潁川

更始二年梁王劉永據國起兵招諸豪傑沛人周建等攻下濟陰山陽沛楚淮陽汝南凡得二十八城拜董憲張步各爲大將軍與之連兵專據東方更始敗永自稱天子

光武建武二年遣蓋延等伐劉永圍睢陽數月拔之永奔譙延進攻拔薛斬其魯郡太守彭城扶陽杼秋蕭皆降又破永沛郡太守斬之永將蘇茂佼彊周建等三萬

人救永延 戰 沛西大 之 走 湖陵茂奔
樂延遂定沛楚臨淮

三年睢陽人反城迎劉永延復率諸將圍 走

將所殺永弟防舉城降蘇茂周建奔垂 立永

爲梁王

四年春延攻茂建於蘄進與董憲 畱下 破之因

平敵將軍龐萌攻西防拔之復追敗周建蘇茂於彭城

茂建亡奔董憲憲將賁休 蘭陵城降憲聞之

休時延萌在楚往救之不能尅乃往來要擊憲別將

彭城剡邳之間戰或曰 頗有克獲

徐州府志

卷二十九

大事記

五

五年春龐萌反引軍襲敗蓋延與董憲連和屯桃鄉

自將征之敕諸將會睢陽萌攻破彭城殺楚郡太守

明復與董憲等圍桃城帝自蒙趨桃城率諸將進

破之七月幸沛進幸湖陵攻董憲破之昌慮憲及

萌走保剡畱吳漢攻之車駕轉狗彭城下邳漢拔剡軍

士斬劉紆降十月張步斬蘇茂以降

六年吳漢獲董憲龐萌山東江淮悉平

獻帝初平二年黃巾賊寇徐州以陶謙爲徐

黃巾 走之境内以安

四年下邳人闕宣聚衆數千人自稱天子劫畧郡

州牧陶謙擊殺之 是年曹操擊謙攻拔十餘城至彭城大戰謙敗走保剡操坑殺男女數十萬口於泗水水爲之不流攻剡不能克乃去攻取慮睢陵夏邱皆屠之雞犬亦盡邑無復行人

興平元年陶謙告急於田楷楷與平原相劉備救之謙表備爲豫州刺史屯小沛夏四月操復攻謙畧地至東海所過殘滅還擊破劉備於剡東是年陶謙卒劉備領

徐州

建安元年袁術攻劉備以爭徐州備使張飛守下邳自將拒袁術於盱眙淮陰更有勝負呂布乘虛襲下邳下

徐州府志

卷二十九

大事記

六

邳守將曹豹反間迎布布虜備妻子備聞之引還轉軍海西已而求和於布布復以爲豫州刺史與并勢擊術使屯小沛布自稱徐州牧

二年袁術遣其將張勳與韓暹楊奉步騎數萬趨下邳攻布布用陳珪策連和暹奉敗張勳暹奉畱下邳寇掠徐揚間軍飢欲辭布去布不許奉因私與劉備相聞欲共擊布備陽許之奉引兵詣沛備於座上斬之韓暹歸并州

三年春呂布復與袁術進攻劉備於沛破之備走歸曹操操益之兵使東擊布布遣高順攻之操遣夏侯惇往

不能救爲順所敗操乃自將擊布冬十月屠彭城進至下邳布屢戰皆敗還保城不敢出操掘塹圍之三月引沂泗灌城布困迫與麾下登白門樓兵圍急乃下降操縊殺之

四年夏袁術欲經下邳北就袁紹曹操遣劉備邀之術復走壽春嘔血死備據下邳殺徐州刺史車胄留關羽守下邳身還小沛郡縣多叛曹爲備衆數萬人遣孫乾與袁紹連和操遣劉岱王忠擊之不克

五年曹操自擊劉備破之進拔下邳備奔青州歸紹晉惠帝太安二年義陽妖賊張昌反其黨石冰寇揚州

徐州府志

卷二十九

大事記

七

臨淮人封雲起兵寇徐州以應冰於是徐揚等五州多爲昌所掠

永興元年廣陵度支陳敏攻徐州賊封雲雲將張統斬雲降徐州平

二年七月東海王越嚴兵徐方將西迎大駕以瑯琊王睿爲平東將軍監徐州諸軍事畱守下邳越率甲士三萬西屯蕭縣豫州刺史劉喬不受越命遣子祐拒之靈璧越軍敗

懷帝永嘉元年二月東萊人王彌起兵反寇青徐二州二年王彌寇兗豫青徐四州

四年九月徐州監軍王隆自下邳棄軍奔於周馥
五年賊王桑冷道陷徐州刺史裴盾遇害

元帝大興元年十二月彭城內史周撫殺沛國內史周默以反周撫沛人一名堅初與同郡周默因天下亂各爲塢主以寇抄爲事旣而各受官默降祖逖撫怒遂襲殺默以彭城叛詔下邳內史劉遐領彭城內史與刺史蔡豹太山太守徐龕共討之

二年二月戰於寒山撫敗走徐龕斬撫傳首京師

明帝太寧元年三月石勒攻陷下邳寇彭城徐州刺史卞敦退保盱眙

徐州府志

卷二十九

大事記

八

二年正月石勒將石瞻寇下邳彭城取東筦東海劉遐自彭城退保泗口

成帝咸和元年十二月濟岷太守劉闔等殺下邳內史夏侯嘉以下邳叛降於石勒彭城內史劉續復據蘭陵石城勒將石瞻攻拔之

九年十二月石虎徐州從事朱縱斬刺史郭祥以彭城來降虎將王郎攻之縱奔淮南

穆帝永和五年六月褚裒以石虎死表請北伐直指泗口先遣前鋒都護王頤之徑造彭城示以威信後遣督護麋疑進軍下邳賊皆奔潰裒率衆三萬次彭城河朔

士庶歸降者日以千數哀撫納之遣督護王龕伐沛獲
僞相支重郡中二千人歸順魯郡民五百餘家亦建義
請援復遣龕領銳卒三千迎之龕違哀節度次代陂軍
敗死之哀退屯廣陵

七年八月魏徐州刺史周成與兗豫荆洛皆以城來降
八年慕容儁僭位寧朔將軍榮胡以彭城魯郡叛降於
儁

升平三年詔謝萬郗曇擊燕郗曇以病退屯彭城萬亦
引還於是許潁譙沛諸城皆沒於燕

隆和元年二月以庾希爲徐兗二州刺史鎮下邳十二
月希自下邳退屯山陽

徐州府志

卷二十九

大事記

九

哀宗興寧二年四月燕將李洪攻許昌汝南敗晉兵於
縣弧陳郡太守朱輔退保彭城

帝奕太和四年桓温北伐遣建威將軍檀元攻湖陸拔
之獲慕容忠

孝武帝寧康二年八月秦人寇彭城

太元三年秦兗州刺史彭超攻沛郡太守戴逵於彭城
四年謝元率高衡何謙之統衆數萬救彭城次於泗口
欲遣間使報逵而不可得部曲將田泓請行乃沒水潛
行將趨彭城爲秦人所獲厚賂之使云南軍已敗僞許

之既而告城中曰南軍垂至我單行來報爲賊所得勉之秦人殺之時彭超置輜重於畱城謝元遣何謙之向畱城超聞之還保輜重謙之馳進解彭城圍逯遂率彭城之衆奔於元軍超遂據彭城畱其治中徐褒守之南攻盱眙淮陰陷之七月苻堅以毛當爲徐州刺史鎮彭城毛盛爲兗州刺史鎮湖陸王顯爲揚州刺史鎮下邳九年謝元經畧舊都至下邳僞徐州刺史趙遷棄城走還元進據彭城遣叅軍劉襲攻取兗州既平元患水道險澁糧運艱難用督護聞人爽謀堰呂梁水樹柵立七埭爲派擁二岸之流以利運漕自此公私利便進攻青

徐州府志

卷二十九

大事記

十

冀等州皆降還鎮淮陰以朱序代守彭城

十二年慕容垂寇河東濟北太守温詳奔彭城遣北府兵戍湖陸

十四年彭城妖賊劉黎稱帝於皇邱劉牢之討平之安帝義熙元年魏豫州刺史索度眞大將斛斯蘭寇徐州圍刺史羊穆之於彭城穆之告急劉道憐率衆救之軍次陵柵斬叛將劉該孫全眞蘭退走道憐率孟龍符孔隆及穆之追躡至光水溝魏軍殺傷溺死畧盡

二年三月慕容超遣慕容昱寇徐州

十二年宋公劉裕北伐九月次彭城

三年正月宋公以舟師進討畱彭城公義隆鎮彭
宋武帝永初三年魏人寇司青三州徐州刺史王仲
率軍次湖陸以備之

少帝景平元年青州被攻日久檀道濟與王仲德兼行
赴之敵聞之棄去仲德向尹卯道濟停軍湖陸仲德之
出也冠軍將軍申宣戍彭城魏人陷高平諸縣宣懼敵
至移郭外居民並諸營署悉入小城

文帝元嘉七年到彥之率大衆入河北伐長沙王義欣
出鎮彭城爲衆軍聲援彥之敗退焚舟步趨彭城魏叔
孫建追竺靈秀於湖陸破之將佐勸義欣委鎮還都義

徐州府志

卷二十九

大事記

十一

欣不從

八年檀道濟伐魏食盡自歷城引還叅軍劉振之戍
邳聞之亦委城走

二十七年魏太武南侵至鄒山遣楚王建進軍清西向
蕭城步尼公進軍清東向畱城武陵王遣叅軍馬文恭
至蕭城禦之江夏王義恭遣軍主嵇元敬至畱並爲覘
候文恭爲魏所敗僅以身免元敬亦與步尼公相值幢
主華欽繼其後敵望元敬後有軍引兵趨苞橋欲渡清
西沛縣民燒苞橋夜於林中擊鼓魏以爲宋兵大至爭
渡苞水溺死者殆半時江夏王義恭總統諸軍與武陵

王同鎮彭城魏軍既敗馬文恭執隊主蒯應自蕭東彭城去城十餘里義恭懼欲棄城南歸長史張暢力陳不可乃止太武至立櫓屋於戲馬臺以望城中遣送蒯應至小市門致意求甘蔗及酒武陵王與之就求橐駝明日太武使李孝伯餉義恭武陵王貂裘橐駝武陵王使張暢先於城上與李孝伯語乃開門出見之魏軍攻彭城不克引兵南下至瓜步北還經彭城下遣人語城內食盡且去須麥熟更來義恭懼閉門不敢追

孝武帝孝建元年南郡王義宣反兗州刺史徐遺寶戍湖陸與相連結遣長史劉雝之襲徐州長史明允於彭城不克更遣王元模與雝之復逼彭城時徐州刺史蕭思話未之鎮因詔安北司馬夏侯祖權率五百人馳往助允既至擊元模斬之雝之還湖陸兗州刺史垣護之率步騎襲遺寶破其別戍遺寶焚城西走

大明元年二月魏人寇兗州詔遣薛安都將騎兵沈法系將水軍向彭城以禦之並受徐州刺史申坦節度比至魏兵已去

廢帝永光元年帝自將兵討義陽王昶昶聚兵反移檄統內諸郡皆不受命昶知事不成棄母妻攜愛妾夜與數十騎開北門奔魏

明帝泰始二年徐州刺史薛安都舉兵應晉安王子勲
長史蘭陵儼密欲圖之見殺安都密信報其從子索兒
自省逃出携安都諸子及家累北奔青州沈文秀冀州
崔道固皆反應安都文秀遣劉彌之等出下邳道固遣
子景徵傅靈越自太山道向彭城時安都壻裴祖隆守
下邳彌之等至下邳改計歸順因襲祖隆破之祖隆與
安北將軍垣崇祖奔彭城帝以申令孫爲徐州代安都
令孫進據淮陽降於索兒八月子勲平定安都奉啟書
歸欵帝遣張永沈攸之以重兵迎之安都疑懼乃乞降
於魏請救魏遣尉元孔伯恭帥二萬騎救之以安都爲

徐州府志

卷二十九

大事記

十三

鎮南大將軍徐州刺史張永沈攸之進兵逼彭城軍於
下礪分遣王穆之將卒五千守輜重於武原魏尉元至
彭城遣李璨先入收其管籥別遣孔伯恭以精甲二千
安撫內外然後入其夜張永攻南門不克而還元使安
都守彭城自將兵擊張永絕其糧道又破王穆之於武
原

三年正月張永等棄城夜遁會大雪士卒凍死大半尉
元要其前薛安都乘其後大破永等於呂梁之東枕尸
六十餘里永等僅以身免於是盡失淮北四州及豫州
淮西之地 沈攸之之自彭城還也畱長水校尉王元

載守下邳積射將軍沈韶守宿豫睢陵淮陽皆留兵戍之七月攸之自送運米至下邳魏人遣清泗間人詐攸之云薛安都欲降求軍迎接攸之不許使軍主彭城陳顯達將千人助戍而還七月帝復遣沈攸之等擊彭城魏尉元遣孔伯恭率步騎一萬拒之攸之至焦墟去下邳五十餘里陳顯達引兵迎攸之至睢清口伯恭擊破之攸之還屯淮陰尉元以書諭徐州刺史王元載元載棄下邳走孔伯恭進據宿豫戍將魯僧遵亦棄城走魏將孔大恒等將千騎南攻淮陽淮陽太守崔武仲焚城走

徐州府志

卷二十九

大事記

十四

齊建元二年二月崔叔延破魏睢陵殺淮陽太守梁惡七月角城戍主舉城降魏魏遣徐州刺史梁郡王嘉迎之九月遣李安民循行清泗諸戍以備魏

魏孝文帝太和四年徐州民桓標之等叛屯於五固尉元與鎮將薛虎子討平之

魏宣武帝正始三年

梁天監五年

二月梁將軍蕭昞將兵擊

魏徐州圍淮陽魏將軍奚康生救淮陽五月梁將張惠紹等侵魏徐州拔宿豫執戍主馬成龍六月惠紹與假徐州刺史宋黑水陸俱進趣彭城圍高塚戍魏奚康生將兵救之惠紹兵不利黑戰死七月梁將蘭懷恭與魏

邢巒戰於睢口懷恭敗績巒進圍宿豫懷恭復南
築城巒與楊大眼合攻拔之斬懷恭張惠紹棄宿豫蕭
昞棄淮陽遁

魏永平元年

梁天監七年

十月魏鎮東叅軍成景雋殺宿豫

戍主嚴仲賢以城降梁十一月魏遣安東將軍楊椿將
兵四萬攻宿豫不克而還

魏明帝孝昌元年

梁普通六年

正月徐州刺史元法僧據城

反殺行臺高諒稱帝改元天啟魏發兵討之法僧遂降
於梁梁以元晷爲大都督與將軍陳慶之胡龍牙成景
雋等將兵接應魏遣安樂王鑒討法僧擊元晷於彭城

徐州府志

卷二十九

大事記

十五

南晷大敗與數十騎走入城鑿不設備法僧出擊大破
之鑿單馬奔歸梁尋遣豫章王綜鎮徐州召法僧及元
晷還建康法僧驅彭城吏民萬餘人南渡魏以安豐王
延明爲東道行臺臨淮王彧爲都督以擊彭城相持未
決而梁豫章王綜素蓄異志潛送欵於魏六月遂舉城
降魏魏人乘勝進擊復取諸城至宿豫而還

三年正月徐州民任道稜聚衆反襲蕭城據之州軍討
平之 二月梁將軍成景雋率衆逼彭城築柵造堰謀
斷泗水以灌城中魏崔孝芬李叔仁等擊之景雋遁還
魏孝莊帝永安三年正月東徐州城民呂文欣等殺剝

史元大賔據城反遣都官尚書樊子鵠討平之 十月
徐州刺史爾朱仲遠反率衆向京師以鄭先護爲大都
督與行臺楊昱討之先護兵敗降於仲遠

魏永熙二年五月東徐州民王早等殺刺史崔庠以下
邳降梁十一月魏以邳珍爲徐州大都督東道行臺討
之

東魏孝靜帝武定二年二月徐州人劉烏黑聚衆反行
臺慕容紹宗討平之

五年九月梁遣貞陽侯蕭淵明率衆伐彭城堰泗水於
寒山灌彭城以應侯景東魏以慕容紹宗爲東南道行

徐州府志

卷二十九

大事記

十六

臺與大都督高岳將兵救彭城十一月紹宗破梁軍擒
淵明俘斬五萬級凍乏赴水死者不可勝數

北齊文宣帝天保元年齊東徐州行臺辛術鎮下邳十
一月侯景徵租入建康術率衆渡淮斷之燒其穀百萬
石遂圍陽平景行臺郭元建救之術畧三千餘家還下
邳

天保四年十二月齊宿豫民東方白額以城降梁梁使
晉陵太守杜僧明帥三千人助白額

五年三月齊將王球攻宿豫杜僧明出擊大破之球走
歸彭城六月齊段韶敬顯雋等圍宿豫使辨士說東方

白額白額開門請盟因執而斬之

北齊後主武平五年九月陳遣都督吳明徹進攻彭城
至呂梁大破齊軍

後周建德六年陳宣帝聞周滅齊欲爭徐兗遣吳明徹
督諸軍伐之十月明徹軍至呂梁周徐州總管梁士彥
率衆出戰明徹頻破之因退兵城守不敢復出明徹乃
堰清水以灌其城環列舟艦於城下攻之甚急周遣上
大將軍王軌爲行軍總管率諸軍赴救軌輕行自清水
入據淮口橫流豎木以鐵鎖貫車輪遏斷船路陳諸將
聞之甚惶恐議欲破堰拔軍以舫載馬而去馬主裴子

徐州府志

卷二十九

大事記

十七

烈謂不如先遣馬出會明徹苦背疾甚篤從之乃遣蕭
摩訶帥馬軍前還明徹仍自決其堰乘水勢以退軍及
至清口水勢漸微舟艦不得渡衆軍皆潰明徹及將士
三萬餘人并輜重皆就俘獲

隋煬帝大業十年彭城賊帥張大彪宗世模等衆至數
萬寇掠徐兗榆林太守董純進討至於昌慮大破之斬
首萬餘級

十一年董純又討彭城賊魏麒麟與戰破之煬帝旣
亡裴虔通爲宇文化及守徐州化及敗虔通歸唐王世
充以兵攻徐州取之置行臺以守

唐高祖武德四年王世充弟世辯以徐州降

元宗天寶末安祿山反命虢王巨爲河南道節度使屯
彭城巨以賊勢熾東走臨淮

代宗大歷九年徐州兵亂逐其刺史梁乘

憲宗建中二年淄青李納叛其所署徐州刺史李洧以
城歸國納怒洧背已攻徐州甚惡命宣武節度劉洽救
彭城與賊相拒於七里溝大破之

貞元十六年五月徐州節度使張建封卒判官鄭通誠
權知畱後恐軍士爲變會浙西戍兵過徐謀引以爲援
軍士怒壬子數千人斧庫門出甲兵擐執之圍牙城劫

徐州府志

卷二十九

大事記

十八

建封子愔令知軍府事殺通誠及大將段伯熊等數人
表請愔爲畱後不許詔淮南節度使杜佑討之佑遣泗
州刺史張邳攻埭橋大敗而還朝廷不得已除愔徐州
團練使俄爲畱後

憲宗元和十年詔諸道兵討吳元濟李師道謀撓王師
數侵徐救蔡節度使李愿遣將王智興率步騎拒賊賊
將王朝晏方攻沛智興逆擊敗之朝晏脫身走保沂州
智興進破姚海兵於豐朝晏以輕兵還襲沛與夜戰狄
邱復破之

十三年討李師道王智興以步騎八千次於湖陸與忠

武軍會遂拔金鄉魚臺俘斬萬計

穆宗長慶元年河朔用兵以王智興爲武寧節度副使
二年三月智興帥兵三千討幽鎮節度使崔羣畏智興
難制奏請卽用智興爲節度不則召詣闕除以他官智
興亦自疑會赦王庭湊諸道皆班師智興引兵先期入
境羣懼遣使迎勞且令軍士釋甲而入智興不從乙巳
引兵直進徐人開門待之智興殺異已者十餘輩然後
謁羣謝曰此軍情也爲羣及判官從吏具人馬及治裝
遣兵衛從羣至埇橋而返遂掠鹽鐵院及貢物劫商旅
逐濠州刺史侯弘度朝廷甫罷兵不能討卽命爲本軍

徐州府志

卷二十九

大事記

十九

節度使

宣宗大中三年五月武寧軍亂逐節度使李廓

懿宗咸通三年七月武寧軍亂逐節度使温璋 初王

智興旣得徐州募勇悍士二千人號銀刀彫旗門槍挾
馬等七軍常以三百餘人自衛露刃坐於兩廡夾幕之
下每月一更後節度使多儒臣其兵浸驕小不如意一
夫大呼其衆皆和之節度使輒自後門逃去前節度使
田牟至與之雜坐飲酒把臂拊背犒賜日以萬計猶邀
求不已牟卒璋代之驕兵素知璋性嚴憚之璋雖開懷
慰撫終懷猜忌一旦竟聚譟而逐之詔以王式爲節度

使式率忠武義成兩軍赴彭城視事三日命兩鎮圍驕兵數千人盡殺之朝廷以徐州屢亂改爲團練使隸兗海節度

九年七月武寧軍節度糧料判官龐勛反初南詔盜邊遣武寧兵戍桂州約三年一代至是已六年不得代列校許佶趙可立因衆怒殺督將王仲甫推龐勛爲長勒衆北還詔徐州觀察使崔彥曾慰安之勛於路益哀兵招亡命收銀刀亡卒至徐城斬牙健趙武等送首彥曾彥曾不能詰勛怨都押衙尹戡教練使杜璋兵馬使徐行儉不遣代戍又使白彥曾請爲二屯且退戡等彥曾

與府屬温廷皓謀選兵三千授都虞侯元密屯任山須勛至劫取之勛知其謀卽詭路襲據宿州自稱畱後趨泗州密覺追之遇伏兵大敗勛船千艘與騎夾岸譟而至徐彥曾料丁男乘城悉誅賊家屬城中大霧賊四面超墉入囚彥曾及官屬殺尹戡等狗十餘縣皆下遣僞將屯柳子及豐滕沛蕭露章求節度使帝遣中人康道隱詣徐宣慰勛郊迎旗鎧矛戟亘三十里使騎鳴鞞角聲動山谷置酒毬場引道隱觀其衆道隱還固求節度卽殘碭山單父十餘縣斬官吏出金帛募兵遊民皆從之詔大將康承訓王晏權戴可師率魏博諸道及沙陀

等兵二十萬討之賊與官軍更有勝負可師敗死帝更以曹翔爲北面招討使屯滕沛魏博將薛尤屯蕭豐承訓屯柳子右夾汴築壘用沙陀騎屢破之殺傷萬計勛懼乃害彥曾等謂其下曰上不許我節度與諸君眞反矣大索兵得三萬稱天策將軍以其父舉直爲大司馬守徐州自引兵救豐魏博軍潰勛乘勝攻承訓時承訓方攻臨渙乃追還兵伏以待勛軍皆市人未陣卽犇相蹈藉死者四萬勛釋甲服布襦遁去收散卒三千以歸彭城勛初起下邳土豪鄭鎰聚衆應之勛以爲將五月沂州遣軍圍下邳勛命鎰救之鎰率所部來降黔中

觀察使秦匡南面招討使馬士舉徇淮泗盡碎其營帝恨魏博軍不勝以宋威爲西北面招討使率兵三萬屯蕭豐曹翔下滕賊將朱玫以蘄沛降李直奔入徐州翔又破豐徐城下邳賊益蹙引而西使舉直許佶守徐承訓與十遇皆勝之因諭降賊將張元稔元稔斬其黨劉景張儒詐爲潰軍劫符離得兵萬人北攻徐州許佶等不敢出彥曾故吏路審中開白門內元稔軍許佶等啟北門走元稔追之賊大崩皆赴水死斬舉直許佶李直等收叛卒親族悉夷之勛聞徐已拔率衆二萬自石山焚掠而西承訓悉兵八萬逐北沙陀將朱邪赤心追至

蘄縣斬首萬級餘皆溺死閱三日得勛尸勛始得徐州
貲儲蕩然乃四出剽取男子十五以上皆執兵舒鉅鉤
爲兵號霍錐破十餘州凡二歲滅

僖宗中和元年黃巢亂京師感化節度使支詳遣牙將
時溥陳璠率兵五千西討次河陰軍亂剽居人溥招戢
其衆引還屯境上疑不敢歸詳以牛酒犒士約悉貰其
罪軍人乃共推溥爲畱後逐詳客館溥具貲裝遣璠護
還京師夜駐七里亭璠殺詳屠其家溥怒署璠宿州刺
史俄殺之別遣將引銳兵三千入關

光啟三年朱全忠以宣武行軍司馬李璠爲淮南畱後

徐州府志

卷二十九

大事記

二十一

遣將郭言將兵千人送之感化節度使時溥自以於全
忠爲先進官爲都統顧不得領淮南而全忠得之意甚
恨望全忠以書假道溥不許璠至泗州溥以兵襲之郭
言力戰得免而還徐汴始構怨

文德元年十一月時溥自將步騎七萬屯吳康鎮梁朱
珍與戰大破之

昭宗龍紀元年五月朱珍拔蕭縣據之七月朱全忠如
蕭以龐師古代珍爲都指揮使進攻時溥壁會大雨引
還

大順元年正月時溥求救於河東李克用遣其將石君

和將五百騎赴之夏四月宿州將張筠逐刺史張紹光
附於時溥朱全忠率諸軍討之溥出兵掠碭山全忠遣
牙內都指揮朱友裕擊之殺三千餘人擒石君和
二年十一月時溥將劉知俊率衆二千降於朱全忠知
俊沛人徐之驍將也溥軍自是不振

景福元年朱全忠連年攻時溥徐泗濠三州民不得耕
穫兗鄆河東兵救之皆無功復值水災人死者十六七
溥困甚請和於全忠全忠勒令移鎮溥許之全忠乃奏
請移溥他鎮仍命大臣鎮徐詔以劉崇望充感化節度
便以溥爲太子太師溥恐全忠詐而殺之據城不奉詔

徐州府志

卷二十九

大事記

二十二

察望行及華陰而還 三月時溥南侵至楚州楊行密
將張訓李德誠敗之於壽河 十一月朱全忠遣其子
裕將兵十萬擊時溥

三年正月時溥遣兵攻宿州刺史郭言戰死二月時溥
求救於朱瑾朱全忠遣其將霍存將騎兵三千軍曹州
以備之瑾將兵二萬救徐州存引兵赴之與朱友裕合
擊徐兗兵於石佛山下大破之瑾遁還兗州後數日復
戰存敗死龐師古攻拔佛山寨自是徐兵不敢出朱全
忠自將如徐師古拔彭城時溥舉族登燕子樓自焚死
全忠遂有其地

後梁乾化三年八月以福王友璋爲武寧節度使前節度王殷友珪所置也懼不受代判附於吳梁命淮南招討應接使牛存節及開封尹劉鄩將兵討之冬十月存節於宿州吳平盧節度使朱瑾等將兵救徐州存節之吳兵引歸

後漢 自徐州入爲漢嗣畱將軍鞏庭美楊温守徐州二人間周代漢奉贄妃董氏拒周周使王彥超率兵克徐州二人死之

宋高宗建炎三年金粘沒喝圍徐州知州王復固守率軍民力戰外援不至城陷死之先是宋所運江淮金幣徐州府志

卷二十九

大事記

二十四

皆在徐州府庫金盡得之分給諸軍 金人北還都虞侯趙立率殘兵邀擊斷其歸路奪舟艦金帛以千計乃盡結鄉民爲兵遂復徐州詔以立權知州事會金圍楚州憲命立往赴立去徐州復失

六年 世忠引兵攻宿遷統制呼延通與金兵戰之 董牙合

二年十二月紅襖賊攻彭城之胡村寨徐州兵討破之

五年秋七月義勇軍叛據碭山縣襲永城副總領高琬之命蒙古併力捕討詔增徐州清口等處戍兵衣糧

元光元年紅襖賊襲徐州十八里砦

元光二年蒙古綱行省邳州綱御下嚴信賞必罰邳州軍不樂屬綱八月邳州從宜經畧使納合六哥率衆殺綱據州反與蒙古將李二措致書海州言欲來附李全麾下周岳得之以報全喜遣王喜兒以兵二千應接而已繼之二措納喜兒而囚之全欲攻邳四面阻水二措積勁弩射之全不得進合兵索戰而敗金行院總帥牙吾塔討殺六哥復其城

哀宗天興元年正月徐州行省慶山奴引兵入援徐邳義勝軍總領侯進杜政張興率所部降於蒙古北兵至

徐州府志

卷二十九

大事記

二十五

徐之張益渡時行省徒單益都令移刺長壽率甲士千人迎戰北兵掩之一軍皆覆益都藉州人及運糧埽兵得萬人守禦北兵傅城燒南關而去侯進復請千人來襲二月庚申北兵坎南門而上守者皆散走益都率兵三百力戰却之奪張貧渡取蕭縣破白塔戰於土山救被俘老幼五千還徐侯進張興杜政窮窘自歸六月青州人王祐爲埽兵總領將兵千七百人與都統封仙等夜燒草場作亂益都挈妻子縋城出走張興殺祐因大掠城中蒙古將國安用率兵至徐執興與其黨十餘人斬之遂以封仙爲元帥主徐州金宿州總帥劉安國邳

州杜政皆以州歸之安用遂據三州蒙古帥阿朮魯聞之怒曰此三州吾當取安用何人輒受降遣張進率兵入徐圖安用安用殺之還邳州七月安用降金封兗王賜姓完顏改名用安十二月率兵至徐元帥王德全閉城不納繫封仙於獄殺之用安攻徐久不能下退保漣水

二年正月以完顏仲德行省事於徐州沛縣卓翼孫壁冲初投國用安用安封翼東平郡王壁冲博平公升沛縣爲源州至是翼壁冲歸金仲德令統河北諸砦行源州帥府事 二月丙子朔魚山總領張巘作亂殺元帥

徐州府志

卷二十九

大事記

二十六

完顏忽土降蒙古以兵脅保安鎮從宜嚴祿祿在碭山數年久得土心陰召諸義軍赴保安誅璫徐州去保安百里行省聞之來討會祿已反正乃以便宜授祿元帥左都監就佩忽土虎符未幾蒙古帥阿朮魯兵至保安祿夜遁三月阿朮魯攻蕭縣游騎至徐徐帥遣張元哥苗秀昌率騎八百往救蕭未及交戰元哥退走蒙古兵掩之皆爲所擒殺遂陷蕭縣 七月以完顏賽不行尚書省於徐州既至以州乏糧遣郎中王萬慶會徐宿靈壁兵取源州令元帥郭恩統之九月恩至源州城下敗績而還乃召河北叛將郭野驢等入城作亂凡防城與

守門者皆河北義軍賽不先病重爲賊黨所制不得已授野驢節度使以羈縻之野驢復約源州叛將麻琮襲破徐州賽不自殺麻琮遂遣人以州降蒙古

三年金亡是年國用安降爲宋將蒙古圍源州用安往救之敗走徐州時歷城張榮從阿朮魯爲先鋒沛將陵蛾夜來擣營榮覺之唆蛾反走榮率壯士追殺之乘勝急攻城破遂攻徐州國用安引兵突出榮迎擊之亦破其城用安赴水死

元太宗初年徐州守將張名以城降宋導宋兵攻邳州元將匡才擊走之復取徐州

徐州府志

卷二十九

大事記

二十七

世祖中統三年四月宋華路分湯太尉攻徐邳二州元分張柔軍千人還戍五月宋人攻邳州元徐州總管李杲哥降於宋未幾元嚴忠嗣從按脫復徐州杲哥遇害至元十二年元博羅歡軍下邳取清河漣海守臣俱以城降

順帝至正七年二月河南山東盜蔓延徐州濟寧滕邳等處十二月分撥達達軍與揚州舊軍於水陸關隘戍守東至徐州北至夾馬營遇賊掩捕

十年徐州立兵馬指揮使捕上馬賊

十一年八月丙戌蕭縣人李二及老彭趙均用攻陷徐

州李二號芝蔴李與其黨亦以燒香聚衆反

十二年太師脫脫請親出師討芝蔴李詔許之九月脫脫至徐州攻其西門賊出戰以鐵翎箭射馬首脫脫不爲動麾軍奮擊破之用也速計以巨石爲礮晝夜攻不息也速攻破南關外城芝蔴李遁走遂屠其城

十三年四月降徐州爲武安州徙城南數里

十五年二月己未劉福通等自碭山夾河迎韓林兒至亳州立爲帝自是濠徐間州縣多陷於賊詔立忠勤萬戶府於武安州

二十三年九月張士誠自稱吳王朝廷徵糧不與於是

徐州府志

卷二十九

大事記

二十八

徐宿泗濠諸郡皆爲士誠有

二十六年四月明徐達克淮安徐州守將陸聚以徐宿二州降命爲江淮行省叅政仍守徐州於是邳蕭宿遷睢寧諸縣皆降元遣李左丞擊徐聚擊破之

明建文三年五月燕王遣都指揮李遠等率輕騎六千詣徐沛令易士卒衣甲與南師同插柳枝於背爲識至濟寧穀亭盡焚軍輿以來儲積遂潛兵掠沙河沛縣南軍不之覺焚其糧船數千艘糧數百萬石軍資器械悉爲煨燼河水盡焚

四年春正月燕師至沛縣指揮王顯以城降知縣顏伯

瑋死之遂進師徐州守將閉門不出燕王欲驅兵南進而士卒多散出取糧恐後至者爲城中兵所掩乃伏兵九里山又先匿百餘騎演武亭令數騎往來城下嫚罵焚其廬舍徐發一矢射城上抵暮乃去明日復如之城不勝怒乃開門以兵五千出追燕騎按轡徐行旣渡河炮舉伏發燕王親帥勁騎馳西門斷其歸路腹背夾擊之城中英大潰爭渡橋橋壞溺死千餘人斬獲甚衆後單騎往來城下城中竟不敢出乃以師南行

成祖永樂初徐州賊張晉祥倡亂巡按御史丁璿擒斬之

武宗正德六年流賊趙燧等攻徐州不下至宿遷淮安知府率兵擊賊不戰而潰 是年河南賊賈勉兒等三千人破碭山又破蕭

七年正月劉六等自文安而下二月至宿遷屯小河口劫船欲渡指揮周正拒之退屯城子河率衆萬餘掠邳州之泃口集遂由贛榆過剡城旣擁衆復寇邳州賊皆白衣瀾漫郊野知州周尚化悉力拒却之三月賊過呂梁沿途焚掠無遺總兵姚暉屢破之於呂孟社郭家庄魚頭集等處賊遁走 四月壬辰都指揮楊鼎擊賊於徐州之庄里集敗走之一閏五月劉六劉七圍邳州督

漕都御史張縉擊敗之東海千戶張瀛率銳卒殺其渠帥三人六等遂從棗林渡邳奔河南

神宗萬歷二十七年浙江民趙古元至徐謀作亂徐州及豐沛人多從之者未及發兵備郭光復捕誅之

熹宗天啟二年山東妖賊徐鴻儒等以白蓮教倡亂攻鄆鄒滕嶧諸縣擁衆數萬南下六月十日攻夏鎮掠糧船四十餘艘九月二十四日由荆山口至徐結營子房山下焚掠居民知州汪心淵獲爲賊耳目者三人斬之盡撤黃河舟楫賊知有備引去向豐縣十月朔屯華山知縣宋士中軍官王錫印等率兵民迎賊三戰皆勝賊

徐州府志

卷二十九

大事記

三十

引而北止常家店游擊焦某領淮狼兵五千至遂與東省四將合擊大破之乘勝追殺無一返者

四年九月賊擁衆攻沛縣沛堅守不能陷遂掠南關而去 是年徐賊餘黨復聚泗州焚掠睢寧城邑

七年張山土賊李五鄭三峯等依山爲險四出剽掠爲徐邳宿三州之害

莊烈宗崇禎元年總兵官馬爌率兵攻李五等搗其巢擒斬之餘黨遂散

八年江北賊入蕭碭境叅議徐標守徐賊不敢犯遂引而南

九年正月戊辰江北賊攻蕭縣破之焚掠幾盡諸生死賊者甚衆 己巳闖賊東奔宿州突入沛縣焚僂婦豎掠其精壯入營中 壬申闖王合掃地王紫金梁等二十四營攻徐州不克遂西陷虞城
十年八月癸卯江北賊陷睢寧 是月十六日賊至徐之房村胡山等處官軍與鄉兵築砦胡山列陣禦之自晨至夕賊不敢逼乃退十七日至城南焦山等處隨引去

十三年盜焚掠沛縣南關

十四年五日庚子泰安土寇犯徐州北關焚之

徐州府志

卷二十九

大事記

三十一

十五年開州賊袁時中突入蕭縣執知縣以去 十二月袁賊東犯鳳皖至 寧參將古道行總兵戴國柱戰死凌城廟 是年上寇紛起張方造王道善等嘯聚河北掠豐沛程繼孔等盤踞饒山一帶四出焚劫副使何騰蛟率兵平河北盜乃招撫繼孔繼孔欲出就撫旋以騰蛟去而止 是年八月
大清游騎至沛沛人避匿圍城七日解而去
十七年李自成兵陷沛以其黨武愷爲防禦使
大清順治二年

師下徐州明總兵李成棟南奔 嗣後程繼孔王敏

劉三奇等及山東榆園諸盜先後爲徐屬各邑憲者
以次誅之

順治十年九月膠州總兵海 行叛奔 安山過
抵城下索牛馬知縣魏翰扣之賊已西行翰弟魏
子約百餘騎欲翦其尾隊要功賊怒還圍城火
城遂破屠掠一空

徐州府志卷之二十九全

徐州府志

卷二十九

大事記

三十二